

A modificación destas tarifas comezará a aplicarse o día 1 de xaneiro de 2012 e permanecerán en vigor ata a súa modificación ou derogación expresa.

Contra a presente modificación cabe recurso contencioso-administrativo na forma e prazos determinados na Lei 29/98 de Xurisdicción Contencioso-administrativa.

6).—ORDENANZA REGULADORA DA TAXA POR ENTRADAS DE VEHÍCULOS A TRAVÉS DAS BEIRARRÚAS E RESERVAS DE VÍA PÚBLICA PARA APARCAMENTO EXCLUSIVO, PARADA DE VEHÍCULOS, CARGA E DESCARGA DE MERCADORÍAS DE CALQUERA CLASE

ARTIGO 1º. NATUREZA E FUNDAMENTO

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e de conformidade co disposto nos artigos 15.1, 25 e 27 do TRLRHL aprobado por Real Decreto Lexislativo 2/2004, de 5 de marzo, acordase a imposición e ordenación da Taxa por ocupación de terreos de uso público municipal con mesas, cadeiras, tribunas, taboados e outros elementos análogos, con finalidade lucrativa.

ARTIGO 2º. FEITO IMPOÑIBLE

Constitúe o feito imponible da Taxa a utilización privativa ou aproveitamento especial do dominio público municipal polos conceptos que se sinalan no título da taxa.

ARTIGO 3º. SUXEITOS PASIVOS

Serán suxeitos pasivos desta taxa as persoas físicas ou xurídicas e as entidades ás que se refire o artigo 36 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no feito imponible.

ARTIGO 4º. RESPONSABLES

—Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 42 da Lei xeral tributaria.

—Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei xeral tributaria.

ARTIGO 5º. COTA TRIBUTARIA

<i>CONCEPTO</i>	<i>Importe €</i>
Vivendas unifamiliares e solares	16,91
Edificio ata 10 prazas garaxe	25,64
Edificio mais de 10 prazas garaxe	43,1
Entradas e establecementos comerciais, industriais ou servizos	25,64
Reserva vía publica carga e descarga	25,64
Reserva vía publica paradas autobuses de liñas regulares	25,64

ARTIGO 6º. BENEFICIOS FISCAIS

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

ARTIGO 7º. PERCEPCIÓN

Percíbese a taxa e nace a obriga de contribuír:

–Nos servizos de retribución puntual, no momento de presenta-la solicitude de concesión ou autorización.

–Nos servizos de retribución periódica, percibirase a taxa o día primeiro de cada ano natural.

ARTIGO 8º. LIQUIDACIÓN

–Cando se trate de servizos puntuais, liquidarase e esixirase a taxa en calidade de depósito previo, en todo caso antes de iniciarse o trámite do expediente de concesión ou autorización do aproveitamento solicitado.

–Cando se trate de servizos de retribución periódica, liquidarase e esixirase a taxa nos períodos que se sinalen na tarifa da taxa ou na liquidación única anual.

–Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abrir o oportuno expediente sancionador por infracción tributaria.

ARTIGO 9º. INGRESO

O pagamento desta taxa realizarase:

–Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio do expediente de concesión ou autorización do aproveitamento interesado.

–Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

ARTIGO 10º. INFRACCIÓN E SANCIÓN

Nesta materia estarase ó disposto na Lei xeral tributaria e normativa de desenvolvemento.

ARTIGO 11º. NORMAS DE XESTIÓN

En relación ó apartado b) das tarifas desta Ordenanza, establécese como tempo máximo de reserva diaria 6 horas, distribuídas en 3 horas de mañá e 3 horas de tarde. Asemesmo poderase reducir a cota anual en proporción ao tempo ocupado e previo informe da Policía Local.

Cando nunha zona varios interesados soliciten aproveitamentos para carga e descarga, por razóns de espazo ou de ordenación do tráfico, o Concello poderá habilitar un único espazo para carga e descarga que utilizarán tódolos solicitantes, cos mesmos dereitos e deberes. Neste caso cada un dos solicitantes deberá facerse cargo de parte do prezo público que proporcionalmente lle corresponda, correspondéndolle a cada un dos beneficiarios un importe igual ó resultado de dividir a cota anual, calculada de acordo co apartado b) das Tarifas entre o número de beneficiarios que poden facer uso do espazo destinado á carga e descarga.

–As persoas ou entidades interesadas na concesión ou autorización para realiza-los aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe da taxa en calidade de depósito previo.

–No caso de denegarse as autorizacións, os interesados poderán solicita-la devolución da taxa ingresada en calidade de depósito previo.

–Unha vez autorizada ou concedida a licenza de aproveitamento entenderase prorrogada mentres non presente a declaración de baixa o interesado.

–Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no período natural seguinte ó de presentación da mesma, podendo,

no seu caso, prorratearse por meses. A non presentación da baixa determinará a obriga de continuar aboando a taxa.

DISPOSICIÓN FINAL

A presente Ordenanza entrará en vigor a o día seguinte da súa publicación no Boletín Oficial da Provincia e comezará a aplicarse a partir do un de Xaneiro de 2012, permanecendo en vigor ata a súa modificación ou derogación expresa.

Contra a presente ordenanza cabe recurso contencioso-administrativo na forma e prazos determinados na Lei 29/98 de Xurisdicción Contencioso-administrativa.

7).—ORDENANZA FISCAL REGULADORA DA TAXA POLA PRESTACIÓN DO SERVIZO PUBLICO DE GRUA.

ARTIGO 1º.—FUNDAMENTO LEGAL.

Este Concello, de conformidade co disposto no artigo 57 do Real Decreto 2/2004, de 5 de marzo, por o que se aproba o Texto Refundido da Lei de Facendas Locais, e facendo uso da facultade regulamentaria que lle atribúe o artigo 15 do Real Decreto 2/2004, de 5 de marzo, establece a Taxa por a prestación do Servizo Público de Grúa para a retirada de vehículos abandonados ou estacionados defectuosa ou abusivamente na vía pública e a súa custodia, cuxa exacción realizarase con suxección ao previsto nesta Ordenanza Reguladora.

ARTIGO 2º.—NATUREZA DO TRIBUTO.

Este tributo ten natureza de taxa fiscal xa que se trata dun servizo de solicitude ou recepción obrigatoria, non é susceptible de ser prestado por a iniciativa privada, por tratarse dun servizo que implica manifestación de exercicio de autoridade, ou por referirse a un servizo público no que está declarada a reserva en favor das Entidades Locais.

ARTIGO 3º.—FEITO IMPÓÑIBLE.

O feito imponible ven determinado por a prestación de calquera dos servizos de enganche, retirada, traslado e custodia de vehículos nos supostos previstos na Normativa de Circulación.

ARTIGO 4º.—SUXEITO PASIVO.

Son suxeitos pasivos desta Taxa, en concepto de contribuíntes, as persoas físicas e xurídicas e as Entidades a que se refire o artigo 33 da Lei Xaral Tributaria, propietarios dos vehículos que reciban calquera dos servizos previstos no artigo terceiro anterior.

ARTIGO 5º.—BENEFICIOS FISCAIS.

Non poderán recoñecerse outros beneficios fiscais que os expresamente establecidos en normas con rango de Lei ou os derivados de Tratados ou Acordos Internacionais.

ARTIGO 6º.—COTA TRIBUTARIA.

As cantidades a liquidar e esixir por esta Taxa serán as seguintes:

CONCEPTO	Importe €
Enganche	
Vehiculos de menos de 4 rodas	14,19
Turismos	36,55
Vehículos pesados	58,92